



Claudii Fleurii Abbatis Historia Ecclesiastica

Ab anno Christi 1691. usque ad annum 1701

Fleury, Claude

August. Vind. [u.a.], 1781

VD18 13322648

§. 15. Antonii Bichii Cardinalis decessus.

[urn:nbn:de:hbz:466:1-67627](https://nbn-resolving.de/urn:nbn:de:hbz:466:1-67627)

Sæc. XVII compesceret, & Nursiam Sabinorum
 A.C. 1691 urben pacatam redderet, sed etiam
 expugnato Castro seditiones ubique
 exortas sedaret. His feliciter peractis,
 ab Innocentio X. Nuntius Apostolicus
 Neapolin decretus, ab Alexandro VII.
 Leodiceæ Archiepiscopus, ac demum
 pro comprobando Leopoldi Cæsarii
 connubio Viennam Legatus mitteba-
 tur, quo in munere tantam hujus Im-
 peratoris existimationem sibi compa-
 raverat, ut hic per literas immensis
 pene elogiis refertas Julium Romana
 Purpura decorari, enixe peteret. Tan-
 dem Julius Vienna Romam reversus,
 pluribusque Patrum cætibus ob exi-
 miam eruditionem adscriptus, ibidem
 Mense Martio ferme octogenarius
 decepsit.

§. XV.

Antonii Bichii Cardinalis decessus.

Corn. relat. Praeceperat Julii obitum Antonius Bi-
 chius Patritius Senensis, Alexan-
 de la Cour de Rom. dri VII. Pontificis ex Sorore Nepos
 Eggs Purp. qui emenso studiorum curriculo Fabium
 dott. p. 448. Chisium Colonensem Nuntium in sua
 legatione secutus, ab eodem ob præ-
 claras animi dotes in laboris partem,
 & consiliorum communicationem af-
 sumptus est: Hujus Nuntii Apostolici
 ma-

magisterio tantum profecerat Bichius, Sæc. XVII.
ut Colonia reverlus, ab Urbano VIII. A.C. 1691.
in Belgium Legatus decerneretur, ubi
non modo Lotharingii Ducis caussam
utiliter gessit, sed etiam Jansenii erro-
ribus summa vigilantia, ac imperter-
rito animi robore obstitit: Hoc mini-
sterio præclare defunctus, in præmium
operæ strenue navatæ primo Ecclesiam
Montis Ilcini ab Innocentio X. & ab
Alexandro VII. Auximanam Episcopus
regendam suscepit, ubi totus fuit in
sublevandis populis, in tranquillitate
ubique conservanda, in restituendo Dei
cultu plurimum neglecto, in extirpan-
dis vitiis, & revocanda Ecclesiæ di-
sciplina: Pastorali huic labori intentus,
ab eodem Pontifice Cardinalatus ho-
nore & Urbini Legatione, plurimumque
Congregationum subseliis exornari pro-
meruit, tantaque prudentia, mansue-
tudine, justitia & integritate hanc Pro-
vinciam administravit, ut ejus memo-
ria adhucdum in Urbinatis populi cor-
dibus insculpta vigeat; præprimis enim
leges Reipublicæ utilissimas condidit,
Clerum populumque exorbitantem ad
honestatem reduxit, & Pisauri portum
jam dudum alluvionum & maris irati
injuria naviis impervium referavit,
& sicarios publicæ tranquillitati infestos
fustulit, atque repressit: Postquam igi-
tur

Sæc. XVII. tur non modo Rectoris, sed maxime
 A. C. 1691. optimi Parentis nomen sibi a singulis
 conciliaverat, post quinquenii labores
 publicos ad Ecclesiam suam Auxima-
 nam rediit; quam indefessa vigilantia
 usque ad obitus sui diem primam Fe-
 bruarii rexerat: Annum agebat ætatis
 suæ septuagesimum septimum. Scrip-
 rat præclaras, utilesque constitutiones
 pro Diæcesi Auximana præter mystica
 opuscula, orationes atque epistolas.

§. XVI.

*Joannes Franciscus Ginettus Car-
dinalis mortuus.*

*Palat. fast.
Card. l. 5.*

Quo die hoc anno Joannes Franciscus
 Ginettus naturæ debitum solverit,
 certo haud constat: Hic Veliræ anno
 Christi millesimo sexcentesimo vigesi-
 mo sexto natus, a Martio Ginetto Car-
 dinale Patruo suo Romam evocatus, in
 pietatis exercitiis, ac scientiis uberrimi-
 me enutritus erat: quapropter ab Ale-
 xandro VII. Cameræ Clericus, & postea
 Pontificii ærarii Præfectus nominaba-
 tur: demum ab Innocentio XI. æquis-
 simo meritorum Judice ob integritatem
 aliasque præclaras virtutes Sacra Pur-
 pura, & Firmano Archiepiscopatu ho-
 noratus est: ubi etiam anno ætatis suæ
 sexagesimo quinto vivis valedixit, la-
 boris